

Математика және физика пәндері мұғалімдерінің арасында

облыстық шығармашылық байқау

Е Р Е Ж Е С І

1. ЖАЛПЫ ЕРЕЖЕЛЕР

1.1. Математика және физика пәндері мұғалімдерінің арасында облыстық шығармашылық байқау (әрі қарай-Байқау) ұйымдастырушы Батыс Қазақстан облысы білім басқармасының әдістемелік орталығы.

2. БАЙҚАУДЫҢ МАҚСАТЫ МЕН МІНДЕТТЕРІ

1.1. Мақсаты:

Математика және физика пәндерінің мұғалімдері арасында оқушыларды олимпиадаға дайындық жұмыстарын жүргізетін және өзін-өзі жетілдіретін, келешекте тұлғалық және кәсіби шеберлігін көтерумен айналысатын мұғалімдерді анықтау.

1.2. Міндеттері:

- талантты, шығармашылықпен жұмыс істейтін математика пәні мұғалімдерін қолдау;
- мұғалімнің кәсіптік нәтижелерінің, жетістіктерінің талдауын қамту.

3. БАЙҚАУДЫ ӨТКІЗУ ТӘРТІБІ МЕН ОРНЫ

3.1. Қатысушылар

Байқауға жалпы орта білім беретін мектепте, мектеп-лицейде, мектеп-гимназияда жұмыс істейтін математика, физика пәндері мұғалімдерінің қатысуға құқығы бар (**еңбек өтілі 5 жыл және одан жоғары**). Облыстық байқауға қатысуға аудандық (қалалық) байқаудың жеңімпаздары жіберіледі (әр ауданнан /қаладан, облыстық мектептерінен бір мұғалім қатыса алады), **соңғы үш жылда шығармашылық байқаудан жүлделі I, II, III орын алған педагогтер қатыстырылмайды.**

Өткізу мерзімі: 24 сәуір 2026 жыл, сағат 9.30;

Өтетін орны: Орал қаласы №4 қосымша білім беру мектеп-орталығы;
Сұранысты қабылдау 2026 жылдың 10 сәуірге дейін.

3.2. Байқаудың өткізу ережесі:

1. Қатысушы сауалнамасын толтырады. Оны байқау басталғаннан кейін кезекші бір сағаттан соң жинап алады. Конверттегі кодты қатысушы есте сақтау және сауалнамасына көшіріп жазу керек. Тек код арқылы ғана қатысушы жұмысын тексеру қорытындысын біле алады.

2. Қатысушыға тапсырма 2 блог беріледі.

№1- №4 «Математикалық» - математика пәні мұғалімдеріне, «Физикалық»- физика пәні мұғалімдеріне (шығаруға арналған есептер);

№5 - №8 «Әдістемелік» (мұғалімнің күнделікті жұмысының үлгісін жасаудан тұратын тапсырмаларды қамтиды).

3. Байқау ұзақтығы 4 сағат.

4. Жұмыс тек бір қаламмен ғана орындалады.

5. Сөйлесуге, байқаудың басқа да қатысушыларына кедергі келтіруге, анықтамалықтар, калькулятор, ұялы телефондар және т.б. электронды құралдарды пайдалануға тыйым салынады.

6. Қатысушыға таза парақтармен қатар *жазу үшін пайдалануға арналған парақтар (мөрленген)* беріледі. Таза парақтар есеп шығаруға арналған, оларды қатысушы өзінің қалауынша пайдалана алады, олар тексерілмейді. Ал *жазуға арналған парақтар (мөрленген)*, жұмысты тексеру кезінде бағаланатын есептердің шешімін жазу үшін көзделген.

7. Әрбір есептің шешуі жаңа парақтарда жазылады. Есептің шартын көшіріп жазудың қажеті жоқ.

8. Әрбір пайдаланылған жазу парағының арнайы графаларына қатысушы кодын (**Қатысушының коды**), тапсырманың реттік нөмірін (**Есеп нөмірі**), әрбір парақтың реттік нөмірін (**Парақ нөмірі**) және есептердің барлығын шығару кезінде пайдаланылған парақтардың жалпы санын (**Парақтардың жалпы саны**) міндетті түрде жазып көрсету керек.

9. Қатысушы жұмысын аяқтаған соң парақтарды келесі ретпен бөліп салу керек:

- Рет–ретімен нөмірленген жазуға арналған парақтар;
- Қатысушы қалауынша пайдаланған парақтар;
- Пайдаланылмаған парақтар;
- Есептердің шарты.

Барлық парақтарды конвертке салып, үстел үстіне қалдырылады. Қатысушыларға ешқандай парақты аудиториядан алып шығуға рұқсат етілмейді. Жұмысты кезекші алып кеткенше күте тұру керек. Егер қатысушы жұмысын белгіленген мерзімнен бұрын аяқтаса, қол көтеріп белгі береді.

4. ҚОРЫТЫНДЫЛАУ ЖӘНЕ МАРАПАТТАУ

Номинациялар бойынша конкурстың жеңімпаздары мен жүлдегерлері математика, физика пәндері бойынша I, II, III дәрежелі дипломдармен және номинациялармен марапатталады.

Байқаудың қазылар алқасы жеңімпаздар мен жүлдегерлерді 2026 жылдың 24 сәуірінде анықтайды. Байқау қорытындысы туралы ақпараттар Батыс Қазақстан облысы білім басқармасының сайтында жарияланады, байқауға қатысушының жұмыс орны бойынша білім беру ұйымдарының электронды поштасы арқылы хабарланады.

Байқаудың аудандық (қалалық) кезеңі ағымдағы жылдың 9 сәуіріне дейін

өткізіліп, облыстық кезеңге сұранысты 10 сәуір күні batys-adis@itc.edu.kz
электронды поштаға жіберуіңіз сұралады.

Сұраныс үлгісі

Ауданы	Мектебі	Аты-жөні (толық куәлік бойынша)	Пәні	Санаты	Пед. өтілі	Оқыту тілі